

مجموعه سنون

از

جمعیت علمیه عثمانیه

ایکینجی پنه

محررم

نومرو ۱۳

استانبول

جمعیت علمیه عثمانیه مطبعه سنده طبع اولنشد

۱۲۸۰

تیار و استعدادن خالی اولدیغیز جمله نیک معلومیدر هر نه ایسه
 مجموعه عبر حقنده بزم دعوات خیریه مزک عهد قریبده مقرون
 اجابت اولسندن طولای بیان ممنونیه مسارعت ایدرز .
 مجموعه عبر مجرد دفع اشکال مقصدیه بیانه اجزا اولسان
 مظالم غمزی سؤنیته اسناد و بوکا مقابله بزم دخی بعض
 قصوریمزی بولمق مراد ایدرک (سها و ذهول) ترکیبی محل فصاحت
 عدایتش ایسدهده قاموسده مصرح اولدیغی اوزره ذهول قصدا
 برشیدن غفلت ایتک معناسنه دخی کلدیکی جهته جمیع کتابته
 رعایت سهولفظیه تمیز اولدیغندن بونک بین الفصحا مقبولینده
 اشتباه اولنه مز هیچ دکل ایسه مجموعه عبرک شوا اعتراض صره سنده
 مطلقا سهوا ارتکاب ایتش اوله جنی (عبارة ساهیه) تعییرندن
 اصح و افصح اولدیغی اشکار در .
 (جمیع علمیه عثمانیه)

(امید برونیدن مکتوب مخصوص)

مأموراً امید بروننده بولسان مدرس ابو بکر افندی طرفندن
 بودفعه ۱۲۷۹ سنه سی ذی القده سنک یکریمی طقوزی تاریخیله
 مؤرخاً ورود ایدن مکتوب بعض حوادث مهمه بی شامل اولمغله
 بیانه مسارعت قلنور شویله که اولحوالی اهالی اسلامی بیننده
 اوته دنبرو باعث نزاع و قتال اولان اختلاف مذهب مجرد افندی
 مومی الیه نصایح و مواعظنک حسن تأثیر و برکاتیه بوکره کلیاً
 زائل و برطرف اولدیغندن عموم اهل اسلام تصدیق اعتقاد ایله

شادکام اوله رق مطلوب اولان حسن ائتلاف حیرت حصوله
کلمش و بودخی حامی شریعت غرا اولان ذات شوکتسمات
حضرت پادشاهی ایله اهالی مذکوره نك متبوعلری بولنان حشمتلو
انکلتزه قرالچیه سی حضرت تلی طرفندن شو خصوصده سزاوار
بیور بلان هم و مساعدات سینه ثمره حسنه سی بولنش اولمغه
اهالی مزبوره کرک طرف اشرف حضرت پادشاهی یه و کرک
قرالچیه مشار ایها حضرت تلی جانبند لوازم شکرانیتک ایفا سی
ضمنده مخصوص تشکرنامه لر تنظیم و تقدیم ایتک نیتده بولنش لدر
مقدم امید برونندن آلدیغیز محررات مائه نظر اشواختلاف
تکون ایده لی الی سنه اولوب پک چوق سؤ حالاتی داعی اولمش
و شمدی یه قدر بالدفعه صور عیدیه ایله دفعی اسبابنه تشبیه
اولنش ایسده بر فائده سی کور یله مامش اولدیغی حالده
بودفعه افندی مومی الیهک از وقت ظرفنده تفرقه واقعه نك رفع
وازاله سیله اصلاح ذات الینه ظفر یاب اولسی حقیقه حسن
موفقیه حضرت خلافتناهی آثار جلیله سندن اولدیغی
بی اشنباهدر

(خلاصه پو لیتقیه)

لهستان

لهستان مسئله سی حقنده انکلتزه و فرانسه و اوستریا دولتلری
طرفندن ایکنجی دفعه و لقی اوزره بشقه بشقه روسیه دولته اجرا
اولنان تبلیغات روسیه دولتی طرفندن جواب کوندرلش